

Dumonda Rutishauser concernent COVID-19 cun accent sin las chasas da persunas attempadas e da tgira

En las chasas da persunas attempadas e da tgira dal Grischun han, sco er en auters chantuns e pajais, surproportiunalmain bleras abitantas e blers abitants survegnì COVID-19 ed èn per part morts vidlonder. Las cifras da Grischun èn stadas qua schizunt levamain sur la media svizra.

En quest connex vegn la Regenza supplitgada da responder las suandantas dumondas:

1. Tge chasas da persunas attempadas e da tgira chantunalas èn stadas pertutgadas da malsognas COVID-19?
2. Ha la Regenza l'intenziun d'eruir ils motivs da la gronda derasaziun malgrà las mesiras restrictivas? E co vegn ella a proceder en quest cas?
3. Ha la Regenza l'intenziun d'examinar e d'adattar il plan chantunal da pandemia per impedir en il futur ina stgarsezza da las resursas tant tar il material da protecziun sco er tar il persunal?
4. Prevesa la Regenza er d'examinar ed eventualmain d'adattar il plan da plazzas da las chasas da persunas attempadas e da tgira areguard las qualificaziuns avant maun per garantir en il futur che avunda cumpetenza professiunala existia per in'eventuala crisa sumeglianta?
5. Tira la Regenza en consideraziun da decretar in concept da protecziun che vala per tut las instituziuns resguardond in management dal virus specific?

Cuira, ils 19 da zercladur 2020

Rutishauser, Clalüna, Deplazes (Rabius), Baselgia-Brunner, Brandenburger, Cahenzli-Philipp, Caluori, Cantieni, Cavegn, Degiacomi, Deplazes (Cuira), Dürler, Gasser, Grass, Hofmann, Hohl, Horrer, Kohler, Loepfe, Müller (Susch), Müller (Favugn), Papa, Perl, Preisig, Rettich, Ruckstuhl, Tanner, Thöny, Tomaschett-Berther (Trun), von Ballmoos, Widmer-Spreiter (Cuira), Wilhelm, Pajic